

Zeitschrift: Le conteur vaudois : journal de la Suisse romande
Band: 66 (1927)
Heft: 2

Rubrik: Lo vîlhio dèvesâ
Autor: [s.n.]

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 09.02.2026

ETH-Bibliothek Zürich, E-Periodica, <https://www.e-periodica.ch>

CONTEUR VAUDOIS

JOURNAL DE LA SUISSE ROMANDE

PARAÎSSANT LE SAMEDI

Rédaction et Administration :
Imprimerie PACHE-VARIDEL & BRON, Lausanne
PRÉ-DU-MARCHÉ, 9

Pour les annonces s'adresser exclusivement à

L'Agence de publicité : Gust. AMACKER
Palud, 3 — LAUSANNE

ABONNEMENT : Suisse, un an Fr. 6.—
six mois, Fr. 3.50 — Etranger, port en sus

ANNONCES

30 cent. la ligne ou son espace.
Réclames, 50 cent.

Les annonces sont reçues jusqu'au jeudi à midi.



Au Conteur Vaudois.

Que l'An nouveau, mon cher Conteur,
T'apporte de nombreux lecteurs !
Poursuis ton but sans t'arrêter !...
Les temps sont durs et l'argent rare,
Mais le Conteur, en bon Vaudois,
Chante sa terre à pleine voix !
Que de la ville, on ne t'éloigne !
Que l'on t'accueille en nos campagnes
Pour ta gaieté de bon aloi
Et tes histoires en patois !
Treize lustres, c'est un bel âge,
Mais non la fin de ton voyage !
Luttant contre l'adversité,
Poursuis-le donc sans hésiter !
Qu'un bon public, pour tes étreintes,
Te fasse vivre et te soutienne !

Louise Chatelan-Roulet.



NOS amis du Jorat nous demandent de publier l'originale relation qui suit de la journée électorale du 5 décembre, concernant le monopole du blé. Nous accédons bien volontiers à leur désir. L'histoire est jolie, bien qu'un peu longue pour nos colonnes, et personne ne se formalisera de leurs « malices ».

On gros dzo dé mécanique.

Sédé-vo à quié on pao comparâ clia dérraire votâ ? porrai bin arrevâ quié na ; eh bin, l'è a on gros dzo dé mécanique, iô sagessâi d'écœre d'onna véprâ lou bllia dé tota la Suisse ; voaiti-vâi :

On dzo, clia boune vilhie mère Confédérachon, téléphoume à son notaire, lou Conset Fédérat :

— Vo faut veni tanquâ ver mè : kâ l'è oquie d'estra impoiteint a vo communiquâ ; régréttoû dé adi vo déreindzi, mâ ne pu pas vo fêrè clia coumechon pé téléphoume : vo z'atteindou.

Quand lou notaire l'a éta arrevâ, la Confédérachon lai dit dinse :

— Attiutavâi, monsu, mé seimblie que sarâi lou nomeint d'écœre mon bllia dévânt que lé ratté lai aussant trâo fê dé mau ; et pu, lai a on aut' affêrè ; l'è fam dé fêrè ma commanda à l'étrandzi ; assebin, ie voudrè savâ se mé z'infant et petit z'infant sant adi, quemeint stâo 11 ans passâ, d'accô dé mé veindré l'è bllia. Vo faut dan convoquâ mé veingt et dou valet et tot l'è mondou po lou cinq décembre ào mécanique, iô l'arant à vo reindré comptou se la messon l'a éta boune per tsi leu et vo deré per oï ôô na, se pu comptâ su l'èo granna ; vo mé farâ rappôo ; sarâi âo téléphoume lou tantou à houet'hâore. Ai-vo oquie a demandâ ?

— Na, pas aut' meint, se fâ lou notaire ; toparâ, vo sarâi rémarquâ que lou cinq décembre sé trâove itre

onna demeinde, n'arâi pas tant boune façon dé fêrè dé la pussa clli dzo quio, qu'ein dit-vo ?

— Cein, lou savé dza ; mâ l'è fê espert po que tot lou mondou sâi préseint ; la senanna ein a trâo que sant vîa, occupâ dein lé z'usine et lé bureau ; na pas dinse, vo z'arâ prâo dzeint. A vo lé soin dé l'èo bailli dé l'avrârdzou ; n'è pas cein que vâo manquâ.

— Bin sâ, reingue avoué dâi pâyson, l'affêrè l'au-drâi prâo ; mâ ne sè pas quemeint cein vâo parti avoué t'è clliâo cœo que n'ant jamé yîu pire ôna tsevelhie à nyâ âobin on moulin a vannâ ; ne pu por-tant pas ti l'è betâ a la courta ? !

— On cora quie, l'è bin simpliou ; dein noutra vilhie république lai a prâo d'homou dé tépa po espli-quâ pé dâi « conférence » à ti mé petit fe dâi vele quemeint on dusse sé comportâ on dzo dé mécanique, quand l'è sâ mère-grand qu'écâo. Ora, tigniou que cein sé fassé lou pllie ridou possibillou ; chutot, ne vu mein dé tsecagné ; lou vo diou po cein que l'è apêchu qu'ein a que m'ant dza délavâ pé lou mondou ; ne vu rein dé clli commerce.

Vo rassoveni-vo, âo mâi d'ou ein quatôoze, quand l'è bramâ âo sêcô, que toté le clliote sounâvant et que desant ôo pây : « Peuple debout ! la Patrie l'è ein dandzi ! » por mè, n'âoblièrè jamé clliâo crânou luron qu'arrevâvant dé ti lé cârôu dé la Suisse, animâ d'on mimou sentimeint, d'èfèindre lou drapeau et sa balla devisâ : « Un pour tous, tous pour un ». L'amèrè que lou cinq décembre, quand sarant appellâ a écœre mon bllia, quemeint ein quatôoze, ti mé z'infant poessant répondre à l'appé dé la campagne, la tita hiauta d'èso clli mimou drapeau : présent ! — Ora, allâde ; n'è pas lesé dé mè vo z'ein deré po voue ; kâ m'atteindant pé lou Conset Nationa iô n'ein a discutâ po on président que sarâi nommâ lou chi ; mâ vo, Monsu, n'âobliâ pas voutron rappôo dâo cinq à houet'hâoré. Arèverè.

De suite que lou notaire l'a éta frou, s'è met ein campagne et vo sêde ti lou mau que sè bailli po clli dzo dé mécanique ; l'ètai reindu lou pourr' homou !

Lou cinq à houet'hâoré, dévânt son bureau tserdzi dé papérasse, la tita dein sé duve man, lou notaire refléchessâi ; se demandâve : « Mé faut-è téléphoumâ à clliâo boune vilhie, dinse tot d'on coup : Voutré valet sé sant fotu dé vo ! âobin se mé faut lai appreindre clliâo croufè novalla tsau pou ? Craîou que vaut mi lai allâ pé lou dèta ; lou coup sarâi moins brusquou.

Faillâi sé décidâ ; l'empougne la manevalla dâo téléphoume pu ie fâ :

— Quemeint cein l'ère einteindu eintré no, ie vigniou vo fêrè rappôo ; mâ, vo faut vo z'atteindre a onna groscha décechon ; l'è voaiti à mein mau et l'è pu mé reindre comptou que pertot lai ant bin fê dé la pussa. Vaïquo :

Dzurique et Berna gardant lou « statu quo » ; l'atteindant dâi z'ôdre po menâ l'èo bllia.

Glarisse, Tsougue et Bala sé sant bailli lou mot avoué Uri Chevitse et Untrevâlde po ne pas battre on coup.

— Quemeint dit-vo cein ? Lé z'infant dé mé trâi coumoune d'origine n'ant rein voliu ouré ? L'ant désobèrâ à l'èo vilhie mère ? Ah ! se mon homou Guillaume Té n'èrè pas môo, quinna bramâre réchâidrant.

— Et Fribo, que mé tsantâve lai a on mâi ?

— Eh bin, Fribo n'a rein a écœre : m'a tserdzi de vo deré que tsi li lou terrain ne valiâi rein po lou bllia ; l'a prâo pâtourâdze et armaille, mâ po la terra que n'avâ rein quie dé la tourba et dé la terra dé pipa.

— Ah ! Fribo, Fribo ! te m'ein a fé que d'onna râde ! Et St-Galle et Dzenèva ?

— Clliâo dé St-Galle ant refusâ tot net ; d'iant que faut laissi écœre lé pâyson ; por leu l'ant prâo âovrâdzou a brodâ l'èo dzerotire, et quemeint clliâo dé Dzenèva que trâovant que lai a mé a gagnâ dé fêrè dâi pellulé, d'iant que sarant bin fou dé veni s'eim-

plliâ dé pussa pé lou mécanique.

— Eh bin, l'è dâo prouprou ! Et Nâotsati ?

— N'a rein a veindre ; l'a justou dé bllia por li.

— Et Tessin et Valâ ?

— Tessin et Valâ vo fant savâ que l'èo bllia n'a pas tant granâ sti an, mâ que toparâ farant on effôo po continua dé lou vo fourni. Ti lé dou vo baillant lou bondzo ; lou premi vo z'einvuyie onna pucheinta tiesse dé « zoccoli » po sé frâre dé la Suisse que porrant sé trâovâ dein la misère et lou second, on botiet dé clliâo ballé fliâio qu'on l'èo dit « édélweiss », cein, po bailli âo novi Prèident dâo Conset Nationa : se l'è on Suisse !

— Vaïquie otie que mé fâ plliési ; e ti mé z'einfant l'avant travaillé dinse, n'arè pas fauta d'allâ teri lé sounette pé l'étrandzi.

Et clliâo dé Vaud, étan-te nombreux po écœre ?

— Oï, et lai ant bin tapâ ; lai a mimameint dâi velâdzou iô lai sé trâovâvant ti.

— Quaisi-vo !

— Ein a dâi z'autro assebin iô n'a pas tant granâ, principalement dein lo vegnoubllo, et que l'ant zu dâi nialle, dé l'asseinsounâ et dâi pèzette !

— Iô avan-te prâ l'èo sêmeins ?

— Craîou que sé sant laissi eintortolhi pé lou président dâo Comptoi.

— Eh bin à clliâo, dite-leu que se voliant atsetâ oquie pé lou Comptoi, lai pouant preindre dâi truffé de clliâo sortâ qu'on l'èo dit « Industrie », mâ po lou bllia, monsu Martinet l'a de meillâo sêmeins.

— Ein a dâi z'autro que quand l'ant oytu zonnâ clliâo mécanique, ein a pardieu bin quoque z'on que l'ant fé canon !

— Fé canon ?

— Oï que n'ein ant rein voliu.

— Et iô san-te parti clliâo cœo ?

— L'ant éta tot bounameint ein bâire trâi âo guelhion et pu... ein tsantâ ièna, su l'air de : « Po la fita dâo quatôorze » :

Quand l'è qu'on è dâo vegnoubllo

On dusse teni son reing :

Chutot quand l'annâe è boune

Que lé bossaton sant plliein !

Tsantein ti, clli refrain :

Âo diablille lou « monopole »

Cein ne no rapporte rein !

Ein vaïquie oncora que sé sant laissi eintortolhi ! Ai-vo fini voutron rappôo ?

— Oï.

— Dinse, mé rêste a vo remachâ et pu a allâ fêrè ma lista dé granâ po sti an que vint. Ma toparâ, po lou canton dé Vaud : Respect !

— Oï, respect po lou canton dé Vaud ; l'è cein que no dieint assebin per tsi no, et no dieint oncora po ti clliâo que l'ant votâ oï, que l'aussant l'èo z'otto pé la vela, lou vegnoubllo, âobin la montagne : Respect ! On cheint que dein noutron bi pây, lou mot dé solidarité n'è pas dé la dienséri !

A clliâo que l'ant refusâ lou « monopole » quand bin on daivetrâi dêmachein leu, medzi lou pan on bocon pllie nâ et pllie tchè, tanpi ; on ne l'èo vâo rein dé mau ; et se dâi iâdzou l'avant fauta d'on coup dé man, porrant adi comptâ su la campagne : se la metse n'è pas tant groscha, no partadzèrint lou crotson. Mâ no, pâyson, se n'ein éta pegni lou cinq décembre, cein que no fâ plliési, l'è que noutre crânou députâ âo Conset Nationa voliant pouâ réveni dé Berna sein itre Grimmâ !

Ora, Monsu lou Président Maillefer, ai z'édélweiss dâo Valâ, no dieignent ti noutre bon vœux et vo feint savâi, que se jamé ein a que s'avessâvant dé contchi noutra Crâi Fédérâla, lai a dein lé bou dâo Dzorât, dâi lulu que l'ant oncora dâi bon dzerret !

On pâar dé Dzorât.